

S.145 (5)
S/I.

015

PP. 1-2

South Sotho Court custom.

K31 / 1

K 31 / 1
I
J. Tladie.

1/2

1. Tsena ke litaba tsa ha motho a ne a chakela Moreneng. Ke li fumana ho monna moholo e mong oa haeso oa Lesotho. Pela seo a se boneng ka mahlo a hae o re mehlang eo o na a ahile pela Noka ea Namahali ba busoa ke Mokotjo ea neng a busa Batlokoa. Ore ha motho a ne a chakela Moreneng o na a kena ka mokhoa ona. Morena o na a ena le balebeli ba hae ba lebelang motse bosiu le motseare ba lula ka bongoe ke hore litlhoela. Ba ne ba lebela joalo hore ba tle ba tsebe ho tsebisa Morena se tlang. Mohlomong ho e tla sera, joale molebeli o tla tsebisa Morena ka leqosa hore Morena a tsebe se tlang. Haeba e le moeti motho ea tlang kapa a romiloe ke marena a mang kapa a chakela o na a feta pela lipotso tse matla joale potso tse kang tsena. U tsoa kae? U ea kae? U batla mang? Na u chakile na kapa che? Ebe motho enoa o tla bolela seo a tllileng ka
2. sona joale ha molebeli a se a utloile tsohle o romela ho morena ka leqosa la hae ho ea tsebisa Morena tseo motho enoa a tlang ka tsona. Joale he Morena o tla re a romeloe ho eena a eo mona joale motho eo o tla tlisoa ke bahlankana ba babeli ba hlometseng joaleka balebeli ba motse motho o khannoa joaleka ha eka ke lesholu ha a fihla khotla o tla lumelisa Morena ka tumeliso eo ba tla molella bana ba mo isang ho Morena hore na tumeliso ea Morena ke efe. Tumeliso eo ke ena ha u fihla ho Morena ka khotla u tla fihla u re E Morena e moholo Morena oa Tlokoeng U sebata u lona linyane la tau Hola Morena busa ka mehla tallo ea hau e phethoe kapele-pele ka potlako hoa u lokela Khotso! Pula! Nala e hlahe lefatseng la hau U ke u hlole lira tse u futhuhelang. Joale haeba u chakile u tla bolella Morena sefe le sefe seo u tllileng ka sona. Motho enoa o lumelisa

Morena joalo o paqame o bataletse o beile lerama fatse.

3.

Ha Morena a lumela he a tla re ema mohlankana oa ka ea ratileng ho tla mpona. Joale motho o tla geta khoeli leha eba o romiloe o tla tsamaea mohla ho ratang Morena a fuoe kobo le khomo a fuoe lerumo le thebe le koakoa tseo ke lihlobo tseo a li fuoang ke morena hore a tle a itoanele ho ba ka ratang ho mo amoha khomo eo ea hae. Hape a fuoe melao pela khomo ena hore khomo e tle e nkoa eena a shoelle joale motho ea tsamaeang o na a tsamaea habohloko hoba etlare ka nako eo a tsamaeang Morena a romele sera ho ea lata eona khomo eane eo a e fileng mohlankana ea neng a mo chaketse kapa a romiloe. Ea romiloeng ha a ke ke a tla le khomo ea Morena le eena o se a tseba hore ha sa lokela ho ea ho Morena ea neng a mo romile hoba tallo ea Morena e itse a be a tle le khomo eo ea hae joale ha e mo hlotse o se a tla ineha linaha ho ea bona moo a ka jakang teng. O re batho ba ne ba phela ka thata ruri pela thomo kapa motho ha a etile hobane ka ho

4.

fihla moo a romiloeng Morena o futhuhela sechaba sa Morena e mong o etsa joalo e le hore a ke a bone hore na monna enoa na ke mohlabani (ke hore lesole) ea ka tsebang ho thibela le ho loanela hloho ea Morena oa hae hore e se ke ea timela mohlomong motho eo a shoelle hona moo ntoeng eo.

end s 145